



JAVNO PREDUZEĆE ŽELJEZNICE FEDERACIJE BOSNE I HERCEGOVINE
društvo sa ograničenom odgovornošću SARAJEVO
71 000 Sarajevo, Musala 2

Ident.broj: 4200450270001; Reg.br. 065-0-Reg-06-000614 od 28.12.2006.godine kod Općinskog suda u Sarajevu. PDV broj: 200450270001; Transakcijski računi broj: KM 3389002207823509, DEVIZNI-IBAN:BA39 3389002207823509 SWIFT: UNCRBA22. kod UNICREDIT BANK D.D. Mostar: 3060340000308607 kod HYPO-ALPE-ADRIA BANK D.D. Mostar: 5659013500000511 kod BOBAR BANKA A.D. Bijeljina: 1327310010269422 kod NLB-TUZLANSKA BANKA D.D. Tuzla

Broj: UD-2714-6/11
Datum: 22.02.2011. godine
Mjesto: Sarajevo

Na osnovu člana 58. Statuta Javnog preduzeća Željeznice Federacije Bosne i Hercegovine, društvo sa ograničenom odgovornošću Sarajevo ("Službene novine Federacije BiH" br. 27/06, 2/08, 49/08 i 57/09), Uprava Društva na svojoj 37. (vanrednoj) sjednici održanoj dana 22.02.2011. godine, donijela je

O D L U K U

I

Imenuje se mješovita ekspertna Komisija (u daljem tekstu: Komisija) koju čine predstavnici Sindikata mašinovođa – strojovođa u FBiH, eksperti JP ŽFBiH d.o.o. Sarajevo i predstavnici Unutrašnje kontrole JP ŽFBiH d.o.o. Sarajevo, u slijedećem sastavu:

1. Kalaba Mustafa, predstavnik Unutrašnje kontrole, predsjednik Komisije,
2. Buljugija Vernes, predstavnik SMS-a, član Komisije,
3. Kurić Jasmin, predstavnik SMS-a, član Komisije,
4. Musić Ilijas, ekspert JP ŽFBiH d.o.o. Sarajevo, član Komisije,
5. Đozo Vahid, ekspert JP ŽFBiH d.o.o. Sarajevo, član Komisije,
6. Nukica Fikret, ekspert JP ŽFBiH d.o.o. Sarajevo, član Komisije i
7. Vlajčić Zufer, ekspert JP ŽFBiH d.o.o. Sarajevo, član Komisije.

II

Zadatak Komisije iz tačke I ove Odluke je da definiše opravdanost uvođenja jednoposjeda na prugama u Federaciji BiH.

III

Rok za izvršenje zadatka iz tačke II ove Odluke je odmah.

IV

Komisija je dužna Izvještaj o svome radu dostaviti Upravi Društva JP ŽFBiH d.o.o. Sarajevo na dalje razmatranje i donošenje odgovarajuće Odluke.

V

Ova Odluka stupa na snagu danom donošenja.

Dostavljeno:

- Imenovanim,
- Željeznički operator,
- Uz Zapisnik,
- a/a.

Predsjednik Uprave – Generalni direktor

Mr. sc. Nedžad Osmanagić

UIC 50

Bosna i Hercegovina



SINDIKAT
MAŠINOVOĐA-STROJOVOĐA
U FEDERACIJI BOSNE I HERCEGOVINE

Put života 2. 71000 Sarajevo, BiH / Tel; fax: +387(0)33 218-298 E.mail; sindikat.masinovodja@zfbh.ba www.sms-fbh.ba

Public document stamp from the Public Enterprise of the Railway Federation of BiH, Sarajevo. The stamp includes fields for 'Prethodno' (Precedent) and 'Org. list' (Organizational list), with the handwritten number '3682/11' in the latter field.

Broj: 04 – III / 11
Sarajevo: 10.03.2011.god

JAVNO PREDUZEĆE ŽELJEZNICE FEDERACIJE BiH, d.o.o. SARAJEVO

N/r gosp. Nedžad Osmanagić
PREDSJEDNIK UPRAVE – GENERALNI DIREKTOR

PREDMET : *Reakcija na Odluku Uprave Društva o imenivanju Komisije, koja bi se bavila definisanjem opravdanosti uvođenja jednoposjeda na prugama u Federaciji BiH.*

Poštovani !

Odlukom Uprave Društva broj UD-2714-6/11 o imenovanju Komisije koja treba da definiše opravdanost uvođenja jednoposjeda na prugama u Federaciji BiH, ponovo se otvaraju problemi iz oblasti bezbjednosti željezničkog saobraćaja.

Naime, samim donošenjem Odluke od strane ove iste Uprave, pod brojem UD-9821 od 17.12.2010.god. kojom se stavlja van snage Odluka o uvođenju jednoposjeda br. UD-6177-10.1./10, smatrali smo da je Uprava uvidjela svoju grešku i da se takve stvari neće više dešavati na ŽFBiH.

Nažalost ponovo se nameće isti problem i uporno neko od „eksperata“ želi da dokaže svoju dominantnost i pamet kada je u pitanju donošenje nakaradnih propisa na ŽFBiH. Vjerovatno je Odlukom kojom je stavljana van snage sporna Odluka o uvođenju jednoposjeda povrjeđen ego članova Komisije koja je brzopleto i paušalno utvrdila da postoje uslovi za uvođenje jednoposjeda, što je rezultiralo nemilim događajima, koji su Željeznicama FBiH donijele milionske štete.

Nadali smo se se da će te bar promijeniti sastav članova Komisije, jer je neosnovano očekivati da upravo ta ista Komisija (izuzev Kalabe M.) ovoga puta ima drugačiji stav i mišljenje od predhodnog, kad je u pitanju uvođenje jednoposjeda.

Zatim sam sastav Komisije od 5 članova ispred Uprave i 2 ispred Sindikata mašinovođa je neravnotežan, mi nemamo namjeru ni skim da se preglasavamo. Ukoliko ste zaista željeli pošten i nepristrasan rad Komisije, trebali ste imenovati po 2 predstavnika ispred Uprave i sindikata i 2 člana Komisije ispred Federalnog inspektorata za saobraćaj, što ćemo mi svakako i zahtjevati od Ministra prometa i komunikacija FBiH, ukoliko Vi budete insistirali na tome da Komisija krene sa radom.

U cjeli ovaj slučaj se mora uključiti i BHŽJK, jer mi smo jedna država pa bi i uslovi za vožnju vozova na prugama Bosne i Hercegovine morali biti jedinstveni, kako u Republici Srpskoj tako i u Federaciji BiH.

Nikada se nećemo složiti s tim da mi vozimo vozove u jednoposjedu, a kolege iz R.Srpske u dvoposjedu, radeći pod potpuno istim uslovima i dok god se nalazimo u jednoj državi i imamo zajedničku BHŽJ Korporaciju.

Mi i ovom prilikom tvrdimo da ni izbliza ne postoje uslovi za uvođenje jednoposjeda na prugama u Federaciji BiH i da je besmisleno formiranje bilo kakvih Komisija po tom pitanju jer treba da znate da sva dosadašnja Uputstva za regulisanje saobraćaja na pruzi Sarajevo-Zenica-Doboj (zadnje takvo je od 31.03.2008.) u poglavlju br.5 – VOZNO OSOBLJE, počinje sa rečenicom „Usljed stanja pruge, telekomunikacionih uređaja, te uslova za odvijanje želj. saobraćaja zabranjuje se otprema vozova u jednoposjedu „ pa se s pravom pitamo, koje ste to uslove promijenili na prugama Federacije BiH u zadnjih 15 godina da bi se stvorio uvjet za uvođenje jednoposjeda?.

Zbog svega navedenog, smatramo da je ishitrena i nerealna Odluka Uprave Drušva o formiranju sporne Komisije, koja je dobila zadatak da po svaku cijenu utvrdi „nešto čega nema“, a što bi ugrozilo bezbjednost želj.saobraćaja i živote mašinovođa kao i putnika koje prevozimo.

S poštovanjem !

Dostavljeno :

- Naslovu,
- Ministarstvu prometa i komunikacija, g. Nail Šećkanović, -tel.fax-036-550024
- Predsjedniku N.O. ŽFBiH, g. Boban Pavo,
- Predsjedniku Upravnog odbora BHŽJK,
- Federalnoj Upravi za inspekcijske poslove, Inspektorat za saobraćaj,
- Oglasne ploče,
- a/a.

Bosna i Hercegovina
FEDERACIJA BOSNE I HERCEGOVINE
FEDERALNA UPRAVA ZA INSEKCIJSKE POSLOVE
SARAJEVO 11-03-2011

Kadić N.



Predsjednik SMS-a u FBiH

Vernes Buljigija

11-03-2011
Redzo